

সারাদেশ

বাংলাদেশ রেড ক্রিসেন্টের নির্বাচনে ভাইস চেয়ারম্যান শাহীন, সেক্রেটারি মিজানুর

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: রোববার, ০৬ সেপ্টেম্বর ২০২৬, ০৭:২৯ PM



বাংলাদেশ রেড ক্রিসেন্ট সোসাইটি, ব্রাহ্মণবাড়িয়া ইউনিটের কার্যকরী কমিটির নির্বাচনে ভাইস চেয়ারম্যান পদে আসাদুজ্জামান শাহীন এবং সেক্রেটারি পদে মোহাম্মদ মিজানুর রহমান নির্বাচিত হয়েছেন।

শনিবার (৫ সেপ্টেম্বর) দিবাগত রাত দেড়টার দিকে ব্রাহ্মণবাড়িয়া উচ্চবিদ্যালয়ে ফলাফল ঘোষণা করেন প্রধান নির্বাচন কমিশনার ও জেলা বিএনপির সহসভাপতি অ্যাডভোকেট মো. শফিকুল ইসলাম। এ সময় তিনি জানান, ভাইস চেয়ারম্যান ও সেক্রেটারি পদে ফলাফল ঘোষণা করা হলেও কার্যকরী কমিটির পাঁচটি সদস্য পদের ভোট গণনা তখনও চলছিল।

ভাইস চেয়ারম্যান পদে আসাদুজ্জামান শাহীন ১ হাজার ৯৭৮ ভোট পেয়ে নির্বাচিত হয়েছেন। তাঁর নিকটতম প্রতিদ্বন্দ্বী এবিএম মোমিনুল হক পেয়েছেন ১ হাজার ৬৬৪ ভোট। অপর প্রার্থী ডা. মো. ফরিদ উদ্দিন আহমেদ পেয়েছেন ৪৭৪ ভোট। এ পদে শাহীন তাঁর নিকটতম

প্রতিদ্বন্দীকে ৩১৪ ভোটের ব্যবধানে পরাজিত করেন। ভাইস চেয়ারম্যান পদে ৬০টি ভোট বাতিল হয়েছে।

অন্যদিকে, সেক্রেটারি পদে মোহাম্মদ মিজানুর রহমান ২ হাজার ৩৮ ভোট পেয়ে নির্বাচিত হয়েছেন। তাঁর নিকটতম প্রতিদ্বন্দী মাহবুবুর রহমান পেয়েছেন ৭৭৩ ভোট, লুৎফুল হাই ভূঞা ৪২৮, কামরুল ইসলাম ৩৪৯ এবং অ্যাডভোকেট শাহ ওয়াসিম পারভেজ ২৭৮ ভোট পেয়েছেন।

ফলাফল ঘোষণার পর নবনির্বাচিত ভাইস চেয়ারম্যান আসাদুজ্জামান শাহীন ও সেক্রেটারি মোহাম্মদ মিজানুর রহমানকে তাঁদের সমর্থক ও শুভাকাঙ্ক্ষীরা অভিনন্দন জানান।

এর আগে শনিবার সকাল ৯টা থেকে বিকেল ৫টা পর্যন্ত শহরের ব্রাহ্মণবাড়িয়া উচ্চবিদ্যালয়ে ভোটগ্রহণ অনুষ্ঠিত হয়। ভোটার উপস্থিতি থাকায় নির্ধারিত সময়ের পরও ভোটগ্রহণ চলে। দীর্ঘ প্রায় ১৫ বছর পর নির্বাচন অনুষ্ঠিত হওয়ায় দিনভর ভোটারদের মধ্যে উৎসবমুখর পরিবেশ ছিল।

রেড ক্রিসেন্ট ইউনিট সূত্রে জানা যায়, ২০২৬-২০২৮ মেয়াদের কার্যনির্বাহী কমিটির সাতটি পদে মোট ৪৫ জন প্রার্থী প্রতিদ্বন্দ্বিতা করেন। এর মধ্যে ভাইস চেয়ারম্যান পদে তিনজন, সেক্রেটারি পদে পাঁচজন এবং পাঁচটি সদস্য পদে ৩৭ জন প্রার্থী ছিলেন।

ভাইস চেয়ারম্যান পদে প্রতিদ্বন্দ্বিতা করেন বর্তমান ভাইস চেয়ারম্যান ও জেলা বিএনপির সাংগঠনিক সম্পাদক মো. আসাদুজ্জামান শাহীন, জেলা বিএনপির সহসভাপতি এবিএম মোমিনুল হক এবং জেলা জামায়াতে ইসলামীর চিকিৎসক ডা. মো. ফরিদ উদ্দিন আহমেদ।

সেক্রেটারি পদে প্রতিদ্বন্দ্বিতা করেন বর্তমান সেক্রেটারি ও পৌর বিএনপির সাধারণ সম্পাদক মো. মিজানুর রহমান, কামরুল ইসলাম, জেলা কমিস্ট অ্যান্ড ড্রাগিস্ট সমিতির সাবেক সভাপতি ও রেড ক্রিসেন্ট ইউনিটের সাবেক যুব প্রধান শেখ মাহবুবুর রহমান, মো. লুৎফুল হাই ভূঞা এবং অ্যাডভোকেট মো. শাহ ওয়াসিম পারভেজ।

এছাড়া কার্যকরী কমিটির পাঁচটি সদস্য পদের বিপরীতে প্রতিদ্বন্দ্বিতা করেন ৩৭ জন।

নির্বাচনে মোট ভোটার ছিলেন ১০ হাজার ৬৪৫ জন। তাঁদের মধ্যে আজীবন সদস্য ৯ হাজার ৪৬৬ জন এবং বার্ষিক সদস্য ১ হাজার ১৭৯ জন। মোট ৪ হাজার ১৬২ জন ভোটার তাঁদের ভোটাধিকার প্রয়োগ করেন।

এ বিভাগের আরও খবর



আন্তগণ্যে রুমিন ফারহানাকে অবাস্তিত ঘোষণা, বিএনপির ঝাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তগণ্যে ব্রাহ্মণবাড়িয়া-২ আসনের স্বতন্ত্র
সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের খাকায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ রিজের পিলারের সঙ্গে খাক্সা দেশে নিখোঁজ বিনাইদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের দর্শনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/bangladesh-red-krisenter-nirbachne-bhais-cheyarmjan-shahin-sekretari-mijanur>